



Broj:01/1-755/23-2

Sarajevo, 16.03.2023.godine

ZAPISNIK

sa sastanka Kolegija Šumarskog fakulteta Univerziteta u Sarajevu

održanog 16.03.2023. godine sa početkom u 14,00 sati

PRISUTNI:

- Prof.dr Ahmet Lojo, dekan Fakulteta,
- Prof.dr Dalibor Balian, prodekan za međunarodnu saradnju,
- Prof.dr Muhamed Bajrić, prodekan za NIR i finansije,
- Doc.dr Dino Hadžidervišagić, prodekan za nastavu i kabinet opštih predmeta i zamjenik šefa katedre za Iskorištavanje šuma, projektovanje i građenje u šumarstvu i hortikulturi,
- Prof.dr Mersudin Avdibegović, šef katedre za Ekonomiku, politiku i organizaciju šumarstva i urbanog zelenila,
- Prof.dr Tarik Treštić, šef katedre za Zaštitu šuma i urbanog zelenila i lovno gospodarenje,
- Doc.dr Emira Hukić, zamjenik šefa katedre za Ekologiju šuma i urbanog zelenila,
- Prof.dr Azra Čabaravdić, zamjenik šefa katedre za Uređivanje šuma i urbanog zelenila,
- Dr. Bruno Marić, viši stručni saradnik.

ODSUTNI:

- Prof.dr Ćemal Višnjić, šef Katedre za uzgajanje šuma i urbanog zelenila i

Na sjednici je jednoglasno usvojen sljedeći

Dnevni red

1. Organizacija nadoknade nastave radi gubitka radnih dana zbog praznika.
2. Informacije.

Tok sjednice i zaključci:

Ad 1.

Doc.dr Dino Hadžidervišagić, prodekan za nastavu i kabinet opštih predmeta i zamjenik šefa katedre za Iskorištavanje šuma, projektovanje i građenje u šumarstvu i hortikulturi, je upoznao prisutne da je prema Akdemskom kalendaru za 2022/2023. godinu nadoknada nastave planirana od 12. do 16. juna 2023. godine, ali je ostavljena mogućnost da ukoliko profesori smatraju da je nadoknada neophodna i pronađu neki bolji termin, istu mogu izvesti u dogovoru sa studentima. Prema Akademsom kalendaru radi se o četiri radna dana koja se gube na ime neradnih dana, te je dogovoreno da se nastavnici sa iste godine sastanu i pokušaju napraviti bolji model od modela predloženog od strane dekana, na predmetnom sastanku, za nadoknadu nastave, a kako bi postojali jasno fiksirani termini nadoknade.

Ad 2.

Prisutni zapisničar Aldijana Bilajac, dipl. iur, stručni saradnik za pravne i administrativne poslove obavijestila je o trenutnim uputima i informacijama koje je dobila a povodom pitanja prijevremenog napredovanja. Po navedenom pitanju upućen je dopis Rektoratu i Pravnoj službi Univerziteta po kojem se imenovani ne očituju. Na sastanku sekretara svih organizacionih jedinica Generalni sekretar je kazao da je to još uvijek siva zona obzirom da se zakonaodavac ne očituje, a oni na sebe ne mogu preuzeti zauzimanje stava povodom određenog tumačenja. Preporuka je da se u takve postupke još ne ulazi barem do usvajanja Statuta Univerziteta i pratećih pravnih akata kroz koje bi se navedeno pitanje trebalo potpunije regulisati. Pored nedoumice u plaćanju prijevremenih izbora postoji stav da određen kadar ne sazrijeva dovoljno u zvanjima u kojima se nalazi, a prijevremeno prelazi u sljedeće zvanje.

Dekan je upoznao prisutne sa mogućnošću organizovanja terenske nastave u Unsko-Sanskom kantonu za prvu godinu drugog ciklusa studija 26. do 28. aprila 2023. godine (srijeda, četvrtak i petak). Dekan podržava organizovanje navedene edukativne ekskurzije te je dogovoreno da se sljedeći četvrtak održi sastanak nastavnika prve godine drugog ciklusa studija oba smijera, a kako bi se nastavnici koji imaju tada nastavu mogli dogovoriti ko će od njih držati nastavu u Unsko-Sanskom kantonu.

Dr. Bruno Marić, viši stručni saradnik, upoznao je prisutne sa planom organizovanja dvodnevne Međunarodne konferencije povodom 75. godina fakulteta. Prema planu učestvovalo bi oko 100 učesnika sa planiranim troškovima od 30 000 do 35 000 KM. Navedena konferencija bi se organizovala krajem novembra i početkom decembra 2023. godine. Dekan je preporučio da se u izradu radova vezanih za razvoj nauke uključe sve katedre kako bi bile pokrivenne sve oblasti i kako bi radovi bili što bolje prezentovani na navedenoj konferenciji. Ideja je podržana od svih prisutnih, te je dogovoreno da se kontaktiraju preduzeća, ministarstva i svi moguće zainteresovani kako bi se obezbijedili potrebna sredstva za realizaciju navedenog projekta jer fakultet ne raspolaže sredstvima sa kojima bi mogao to samostalno oraganizovati.

Prof. dr Muhamed Bajrić, prodekan za NIR i finansije, je sopštio prisutnim da će dobiti tabelu koju inače dostavljamo za Plan javnih nabavki kako bi unijeli svi svoje potrebe koje je po članu 26. Zakona o visokom obrazovanju („Službene novine kantona Sarajevo“ broj: 36/22) dužna Vlada da obezbijedi iz budžeta, a u svrhu neometanog funkcionisanja Univerziteta i njegovih organizacionih jedinica. Naime do 30.03.2023. godine imamo obavezu dostaviti DOB kojom se planira budžet za 2024. godinu, te ćemo potrebe koje se unesu u tabelu dostaviti kao potrebe za koje je neophodno obezbijediti dodatna sredstva u nadi da će nam ista biti obezbijedena obzirom da po navedenom zakonu imamo pravo na to.

Prof.dr Tarik Treštić, šef katedre za Zaštitu šuma i urbanog zelenila i lovno gospodarenje je predložio da se napravi spisak printeta koji nisu u upotrebi, kao i ostali višak opreme po katedrama kako bi se ista mogla prodati ili eventualno pokloniti.

Sastanak je završen u 15.20 sati.

Zapisnik vodila

Aldijana Bilajac, dipl. iur, stručni saradnik za pravne i administrativne poslove

DEKAN

Prof. dr Ahmet Lojo

Dostaviti:

-a/a Kolegija

-Katedrama

